



Universitätsbibliothek Paderborn

**Poemata Ferdinandi Episcopi Monasteriensis Et
Paderbornensis, S. R. I. Principis, Comitis Pyrmontani,
Liberi Baronis De Furstenberg**

Ferdinand <Paderborn, Bischof, II.>

Parisiis, 1684

Ad Stephanum Gradium Abbatem.

urn:nbn:de:hbz:466:1-7748

124 FERDINANDI EPISCOPI MONASTER.

Cur te perpetuæ noctis amor tenet,
Frustrantem cupidas Romulidum preces,

Et spes? Plena secundis

Tandem pande Favoniis

Famæ vela tuæ, finibus Italis

Qui porrecta domum Solis ad ultimam, &

Septem regna trionum

Late nomina proferant.

Mox te Pierio carmine nobilem

Dignis posteritas tollet honoribus,

Magnorumque beatis

Vatum coetibus inferet.

A D

S T E P H A N U M G R A D I U M

A B B A T E M.

S Ic tibi sint faciles Musæ, sic dexter Apollo

Sororibus cum Gratiis

Adsit, & attentis bibat auribus, optime, poscis

Quæ supplici, G R A D I , prece:

Ut mihi flexanimo permotam carmine mentem

Alti tenacem consili

Expugnas. juvat ire jugis, juvat usque relictum

Lustrare Musarum nemus,

Et virides hedera rupes, & rupibus undas

Haurire manantes sacris.

Sentit enim Phœbi stimulus, & pectus anhelat

Calore succensum tuo.

Non tamen heroos ausim tentare cothurnos,
 Magnique laudes CHISII
 Deterere ingenii culpa. Quis namque canendo
 Æquare virtutes queat?
 Quis Melitæ curas, aut fortia facta Padusæ,
 Quis alta Romæ munera?
 Nemo difficiles pacis, mihi crede, labores
 Cantare dignius potest
 Ipso CHISIADE; seu ferrea Martis iniqui
 Abominatus secula
 Luget, & undantem Germano sanguine Rhenum
 Et arma damnat impia:
 Seu conjuratas Bellonæ justius iras
 In terga verti barbara
 Imperat, ac fido lacerari cornua ferro
 Lunæ superba Thraciæ.
 Sed quæ vesanas agitat discordia gentes?
 Quis mutuas cædes furor?
 Quæ rabies? aut quæ dementia suadet amico
 Emi crux lauream?
 Quis pudor Odrysii regnum fulcire Tyranni
 Labentis Europæ malo,
 Et, Venetas qui carpat opes, permittere Cretam
 Scythæ premendam perfido?
 Parcite, civili jam tandem parcite bello:
 Satis ruinas urbium
 Flevimus, & sparsos cognato sanguine campos:
 Datum satis discordiæ.

Q iij

126 FERDINANDI EPISCOPI MONASTER.

Parcite. vel si tantus amor vos Martis adurit,

Si tanta regnandi sitis,

Mutatis odiis Gallus conspiret Ibero.

Hic nota per vestigia

Regna petat Libyæ: Solymos magis ille triumphos

Virtutis antiquæ memor

Ambiat, & palmas late frondentis Idumes

Viētrice decerpit manu.

Ite alacres, ite ergo, mari date vela secundo

Devota pugnæ nobili,

Ite pii Reges: conjunctas fœdere dextras

Communis armet ultio,

Aut metus, incumbat proprius ne barbarus hostis

Clara potitus insula.

At nos, Germani proceres, jam pace recepta

Ad arma cessantes nova

Ister ad arma vocat, dudum indignantibus undis,

Qui Bistonum pressus jugo

Servit, & excidium nobis ac damna minatur

Extrema fortunæ gravis.

Quin igitur pulchra pro libertate ruentes

Vicina Budæ mœnia

Rumpimus, & vastus qua verberat ostia Pontus

Immugientem Bosporum

Addimus imperio, referentes signa superbis

Derepta Byzanti tholis?

Tunc me cognatas acies, & nobile bellum

Gravi sonantem barbito